

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

NEKAZARITZA SAILA

81/2026 Foru Agindua, martxoaren 25ekoa. Zuiako udalerrian dauden onura publikoko mendi hauek mugatzeko eta mugarritzeko prozedura iraungi egin dela adieraztea: 740 zenbakiko mendia ("Arrato eta Lanbe"), Jugo herriarena; 743 zenbakiko mendia, "San Fausto" izenekoa, Gillerna herriarena; eta 744 zenbakiko mendia, "San Román" izenekoa, Aperregi herriarena

Jugoko "Arrato y Lanbe" OPko 740 mendiaren, Gillernako "San Fausto" OPko 743 mendiaren eta Aperregiko "San Román" OPko 744 mendiaren mugaketa prozedura Diputatuen Kontseiluaren irailaren 10eko 625/1991 Foru Dekretuaren bidez hasi zen. Izan ere, dekretu horren bidez erabaki zen Zuiako udalerrian dauden mendi publiko jakin batzuk mugaketa egoeran daudela adieraztea. Foru Dekretua 1991ko irailaren 25eko ALHAOn (112. zk.) argitaratu zen, eta erabakiaren testua jakinarazi zitzaizen interesdun ezagunei, fisikoei zein juridikoei, hartu-agiria zuen gutun baten bidez.

Jugoko 740 zenbakiko onura publikoko mendia.

Neurtze lanak 1994ko martxoaren 22an, apirilaren 12an eta 19an, maiatzaren 10ean, 17an, 24an eta 31n, ekainaren 7an, 14an eta 26an eta uztailaren 5ean egin ziren, horretarako egindako aktetan jasotzen denez. Behin-behineko neurtze eta mugarritze lanak amaitu ondoren, eragindakoei jakinarazi zitzaizen espedientearen jendaurrean jarri eta alegazioak aurkezteko epea irekiko zela, 1997ko ekainaren 15etik aurrera.

Alegazioei irekitako epean, GISLek, MLEk eta MCLEk erreklamazioa jarri zuten idatziz, eta, ondorioz, onura publikoko 740 mendiaren mugaketa egoera bigarren fasean zegoela adierazi zen, eta horren iragarkia 1999ko irailaren 27 ALHAOn (114. zk.) argitaratu zen, eta iragarkiaren testua jakinarazi zitzaizen interesdun ezagunei, fisikoei zein juridikoei, hartu-agiria zuen gutun baten bidez. 1999ko azaroaren 25ean egin ziren aurkeztutako alegazioei zegozkien neurketa lanak.

Bigarren fasean mugatutako tarteen behin-behineko neurtze eta mugarritze lanak amaitu ondoren, 2002ko urtarrilaren 9ko 4 zenbakiko ALHAOn argitaratu zen bigarren fasean mugaketa espedientearen jendaurrean jarri zeka eta erreklamazio aldia ireki zela adierazten zuen iragarkia. Iragarki hori jaso izanaren agiria zuen gutun baten bidez jakinarazi zitzaizen interesdun fisikoei eta juridiko ezagunei. Ez da alegaziorik jaso horretarako ezarritako epean.

Gillernako onura publikoko 743 mendia.

734 zenbakidun onura publikoko mendiaren mugaketarekin bat eginez, lehen faseko neurtze lanak 1993ko urtarrilaren 19an eta 28an eta martxoaren 22an eta 2000ko azaroaren 17an egin ziren, horretarako egindako aktetan jasotzen den bezala.

2001eko martxoaren 9ko ALHAOn (29. zk.), iragarri zen "San Fausto" izeneko 743 zenbakiko onura publikoko mendia, Gillerna herriaren jabetzakoa, mugatze egoeran (2. fasea) dagoela iragartzen da. Neurtze lanak 2001eko urriaren 17an eta 18an eta abenduaren 12an egin ziren.

Bigarren fasean mugatutako tarteen behin-behineko neurtze eta mugarritze lanak amaitu ondoren, 2002ko urtarrilaren 9ko ALHAOn (4 zk.) argitaratu zen bigarren faseko mugaketa espedientearen jendaurrean jarri eta erreklamazio aldia ireki izanaren iragarkia. Pentsa daiteke iragarkia interesdun fisiko eta juridiko ezagunei hartu-agiria zuen gutun baten bidez jakinarazi zitzaizela, eta BL-k erreklamazio bat jarri izanaren zantzuak ere badaude, nahiz eta espedientearen ez den horren dokumentu frogarik aurkitu.

Aperregiko 744. zenbakiko onura publikoko mendia.

Neurtze lanak 1993ko otsailaren 22an, martxoaren 8an, maiatzaren 20an eta 31n, ekainaren 8an, 15ean eta 22an, uztailaren 12an, 14an eta 20an egin ziren, horretarako egindako aktetan jasotzen den bezala. Behin-behineko neurtze eta mugarritze lanak amaitu ondoren, eragindakoei jakinarazi zitzaien espedientea jendaurrean jarri eta alegazioak aurkezteko epea irekiko zela, 1997ko otsailaren 1etik aurrera.

Alegazioei irekitako aldian, JAAUK eta JLSLk erreklamazioa aurkeztu zuten idatziz, eta, ondorioz, onura publikoko 744 mendia bigarren faseko mugaketa egoeran zegoela adierazi zen. Iragarkia 1999ko irailaren 27ko ALHAOn (114. zk.) argitaratu zen, eta interesdun fisiko eta juridiko ezagunei iragarki horren testua jakinarazi zitzaien, hartu-agiria zuen gutun baten bidez. 1999ko azaroaren 23an eta 25ean egin ziren aurkeztutako alegazioei zegozkien neurketa lanak, eta akta egin zen.

Bigarren fasean mugatutako tarteen behin-behineko mugatze eta mugarritze lanak amaitu ondoren, 2002ko urtarrilaren 9ko ALHAOn (4 zk.) argitaratu zen bigarren faseko mugaketa espedientea jendaurrean jarri eta erreklamazio aldia ireki izanaren iragarkia. Iragarki hori interesdun fisiko eta juridiko ezagunei jakinarazi zitzaien, hartu-agiria zuen gutun baten bidez. Ez da alegaziorik jaso horretarako jarritako epean.

Mendien Araudia onesten duen otsailaren 22ko 485/1962 Dekretuaren arabera, bi urteko epea zegoen prozeduraren esanbidezko ebazpena emateko, hori baitzen prozedura hastean aplikatu beharreko araudi sektoriala. Bi urte baino gehiago igaro dira, eta oraindik ez da ebazpenik eman; horrenbestez, prozedura iraungitzat joko da.

Beraz, nahitaezko txostenak ikusita eta Arabako Foru Aldundiaren 2023-2027 legegintzaldirako sailak zehazten dituen Diputatu Nagusiaren ekainaren 30eko 152/2023 Foru Dekretuan xedatutakoaren arabera (Diputatu Nagusiaren ekainaren 28ko 78/2024 Foru Dekretuak aldatua), honako hau

XEDATZEN DUT

Lehenengoa.- 625/1991 Foru Dekretuaren bidez hasi zen onura publikoko mendi hauek mugatzeko eta mugarritzeko prozedura iraungi egin dela adieraztea: 740 zenbakiko mendia ("Arrato eta Lanbe"), Jugo herriarena; 743 zenbakiko mendia, "San Fausto" izenekoa, Gillerna herriarena; eta 744 zenbakiko mendia, "San Román" izenekoa, Aperregi herriarena.

Bigarrena.- Ebazpen hau prozedurako interesdun guztiei jakinaraztea eta Arabako Lurralde Historikoko Aldizkari Ofizialean argitaraztea.

Hirugarrena.- Foru agindu honen aurka, zeinak administrazio bidea amaituko baitu, aukerako berraztertze errekurtsoa aurkeztu ahal izango zaio ebazpena eman zuen organoari berari, hilabeteko epean, jakinarazi/argitaratu ondorengo egunetik aurrera. Bestela, administrazioarekiko auzi errekurtsoa jarri ahal izango da administrazioarekiko auzietarako Vitoria-Gasteizko epaitegietan, 2 hilabeteko epean, ebazpena jakinarazi/argitaratu ondorengo egunetik aurrera.

Vitoria-Gasteiz, 2026ko martxoaren 25a

Nekazaritza Saileko foru diputatua

NOEMI AGUIRRE QUINTANA

Nekazaritza Zuzendaria

DAVID FERNANDEZ SARABIA